

Saksprotokoll i Utval for kultur, idrett og regional utvikling - 19.03.2019

Beate Husa (KRF) sette fram slik forslag:

«Alternativ:

1. Utval for kultur, idrett og regional utvikling vurderer at framlegg til reguleringsplan for fv 561 Kolltveit – Ågotnes legg opp til ei dimensjonering av veg- og kryssløysingar som står i forhold til den vekst og utvikling som kan kome i regionen i forbindelse med etableringa av ny godshamn for Bergensregionen.
2. Utval for kultur, idrett og regional utvikling meiner at vedtaket som blei fatta i Fylkesutvalet den 23.06.2016 ikkje tar opp i seg at det er vedtatt å etablere ny hamn i hamneområdet. Utvalet vil difor støtte framlegg til reguleringsplan i den form den er presentert.
3. I og med at dette er ein parallell veg er det ikkje behov for gang- og sykkelveg da dette blir dekket av alternativ eksisterande veg.
4. Det er viktig å understreke at ein regulering av 4 felts veg gir ein fleksibilitet i høve til dimensjonering og at det allikevel kan byggjast ein tofeltsveg dersom det er det som vert det framtidige behovet.»

Røysting

Innstillinga frå utval for miljø og samferdsel vert lagt til grunn for røystinga.

Innstillinga frå utval for miljø og samferdsel fekk 7 røystar (A, SP, V) mot 5 røyster (H, FRP og KRF) for Husa sitt forslag og vart vedteke.

Vedtak

1. Utval for kultur, idrett og regional utvikling vurderer at framlegg til reguleringsplan for fv 561 Kolltveit – Ågotnes legg opp til ein dimensjonering av veg- og kryssløysingar som medfører unødig kostnader og som ikkje er i tråd med arbeidet for nullvekstmålet.
2. Utval for kultur, idrett og regional utvikling meiner at vedtaket som blei fatta i Fylkesutvalet den 23.06.2016 ikkje er følgt opp. Grunna manglande utgreiing av 2-felts veg og plankryssing ved Ågotnes sør kan ikkje utvalet sjå at alternativa knytt til vegløysingar er tilstrekkeleg opplyst.

Føreseigna § 6.1 må endrast slik: Før utbygging av veganlegget, skal det utarbeidast detaljprosjekt for samferdselsanlegga og tilhøyrande teknisk infrastruktur som svarer til fylkeskommunen sitt vedtak. Det er knytt motsegn til dette punktet.
3. Det er positivt at det vert tilrettelagt for ny gang- og sykkelveg på Kolltveit og Ågotnes, og kryssingspunkt med eksisterande vegar. Planen er likevel ikkje tydeleg på at det er lagt til rette for gjennomgåande gang- og sykkelveg som ei heilskapleg løysing, slik fylkesutvalet har som føresetnad i sitt vedtak. Dette må synleggjerast i det vidare planarbeidet.
4. Utval for kultur, idrett og regional utvikling legg til grunn at reguleringsplanen set av nok areal til ein eventuell framtidig firefelts veg, og at det detaljregulerast for tofeltsveg.